

Si₂ carta a₂ ca₂ jmo₃ San Pablo ne₄ dsa₂ FILIPENSES

Jmo₅ Pa₄ si₂ a₂ chein₃ ne₄ Guá'₅ i₂ chan₂ juig₂ Filipos, tē₁ lia'₂ 'ein₅₄ né'₃ 'má₃

¹ Jniá₂ Pa₄, quiang'₅₄ Timoteo, lág₅ jnia'₅₄ i₂ jme₂ ti₃ ta₁ ne₄ Jesucristo; jmo₂ jnia'₅₄ si₂ carta la₂ dsiang'₅₄ ja₁ con₂ ca₂ le₃ jín₃ rín'₅₄ jniog₄ i₂ tián'₅ Filipos i₂ lě₅ 'í₁ quián₅ Cristo Jesús, ja₁ con₂ dsa₂ i₂ niog₅ ne₄ guá'₅, * quián'₅₄ ja₁ con₂ dsa₂ i₂ jme₂ 'o₅₄ † né₃. ² Ju₁ i₂ jme₂ gu'₅₄ Diú₄, ju₁ i₂ ag₅₄ bá₄ tei₄ 'au'₂ 'nia'₂ jmo₃ Diú₄ Tia₅₄ quián₂ jniog₄, jmo₃ Te₁ gui'₅₄ Jesucristo ně₃.

Chi₂ lén'₂ Pa₄ Diú₄ o₄ quió'₄ dsa₂ i₂ 'én₂

³ Cuě₅ ti₁ mag'₄ Diú₄ quiáng₃ lia'₂ co₂ ráun₂ dsau'₂ dsi₃ 'nia'₂. ⁴ Lia'₂ co₂ ráun₂ chilén'₄ jniá₂ Diú₄, o₄ quián'₂ 'nia'₂ ca₂ le₃ jing'₃, co₂ tan₅₄ lia'₂ 'io'₂ jéin₅, ⁵ ia₁ co₂ dsia₅ bá₄ ma₂ ja₂ náu₅ jniog₄ quen'₂ bí₂ o₄ quió'₄ jág₁ dse₃ ca₃ le₃ jmig₄ le₂ 'uig₅₄ ca₂ lia'₂ jnjió₂ jmig₄ ně₃. ⁶ Caun₂ bá₄ 'ei₅ dsi₃ líng₂, Diú₄ bá₄ i₂ ca₂ jme₂ lióg₃ jmo₂₃ ta₁ dse₃ ja₁ con₂ 'nia'₂, jme₃ njai₂₃ ca₂ lia'₂ ca₂ tě₂ jmig₄ quió'₄ Cristo Jesús.

⁷ Dsi₂ ten₅₄ bá₄ 'ag₅₄ dsi₃ le₂ ně₅ o₄ quián'₂ 'nia'₂ ca₂ le₃ jing'₃, ia₁ 'i₄ dsi₃ jniá₂ 'nia'₂. Ia₁ quián'₅₄ jniog₄ rín'₅₄ co₂ dsia₅ bá₄ guei₂ jniog₄ a₂ jme₂ gu'₅₄ Diú₄, tsá₃ a₂ nag₅₄ jaun₂ a₂ eng₅₄ né'₃ 'má₃, o₃ jnia'₅₄ ne₄ dsi₂ tan₅₄ dsióg₄ jniá₂ ja₁ lé₂ le₃ long₅₄ jág₁ dse₃,

* **1:1** griego: epískopos. † **1:1** griego: diákonous. 'Nio'₂ ja, ton, Hechos 6:1-7; 21:8.

ton'₂ lé₂ le₃jáng'₄ jág₁ dsau₅ a₂të₃dsón'₂ bá₄ tí₅ jág₁.
 8 I₂ñi₅ dsi₂jó'₃ bá₄ Diú₄ a₂ñí₄ lë₃ dsen₅₄ dsi₃ jniá₂ 'nia'₂
 ca₂le₃jǐng'₃, lia'₂ con'₂ lë₅ ñí₄ lë₃ Cristo.

9 Le₂la₂ bá₄ chi₂len'₄ jniá₂ Diú₄: a₂qui₂dsi₃jón₃
 a₂jme₁'nió'₄ 'nia'₂ ríng'₂ 'ñio₅ lín₃, lia'₂ ma₂të₂dsi₅₄
 jaun₂ a₂qui₂rë₂ñí'₂ dsei'₂ 'nia'₂ a₂qui₂le₃quing'₅₄
 'nia'₂ jmig₄, 10 ia₁jaun₂ lé₂ le₃caun'₅₄ 'í₁ 'e₂ jaun₂
 a₂dsen₅₄ gué₄. Jaun₂ le₂në₅ bá₄ le₃chan'₂ 'nia'₂ tsá₃
 qui₂le₁'ióg₄ jme₂dsí₂ quián'₂ 'nia'₂, jua'₅₄ qui₂le₁cán'₄
 'nia'₂ dso₄ jë₂ma₂të₂ rë₁të₃ jmig₄ quió'₄ Cristo.
 11 Le₂në₅ bá₄ ján₃, lé₂ jui₅ a₂i₁nio'₄ 'nia'₂ a₂léi₄
 a₂le₃jniá₂ ca₂le₃jë₃ ne₅₄ a₂dse₃ a₂niog₅ qui₂ma₂jmo'₅₄
 'nia'₂ tē₂le₃ quián'₅₄ Jesucristo. Ca₂le₃jë₃ a₂në₅, Diú₄
 bá₄ i₂gue₃ ti₁'mag'₄, qui₂le₃juin'₂ nē₃.

Të₂le₃ quió₃ jniá₂, o₄quió'₄ Cristo bá₄ chang₂

12 Rin'₅₄ jniog₄, 'nio₃ jniá₂ le₃ñi'₅₄ 'nia'₂, ca₂le₃jë₃
 a₂niog₅ ma₂i₃ñig₂, tē₂le₃ lë₅ gué₄ dsón'₂ cuë₂₃ bí₂
 a₂dsi₃'ag₅ jág₁ dse₃. 13 Le₂në₅ bá₄ le₁ñi₅ ca₂le₃jín₃
 'lióg₂ i₂tion'₅₄ ne₄ta₁ quián'₅₄ ca₂le₃jín₃ gué₄ rín'₅₄
 nē₃, a₂'eng₅₄ rë₂jníg₅ 'uig₅₄ ia₁ a₂'éng₂ le₃quió'₅ Cristo.
 14 'Uig₅₄ ia₁ a₂rë₂jníg₅ nē₃, mei'₂ tsá₃ ca₂le₃jín₃ bá₄
 rín'₅₄ jniog₄ le₃quió'₅ Te₁gui'₅₄ ma₂qui₂ma₂tín₂ bí₂
 a₂'ë₂ jág₁ quió'₅ Diú₄ a₂tiá₂ dsí₅, tsá₃ 'e₂ gau₂ cha₂.

15 A₂dsau₅ bá₄ jaun₂ chan₂ i₂lín₅₄ dsia₂₃ 'iin₂₃
 Cristo a₂uig₅ dsí₅, dsia₂₃ mi'₅₄, ton'₂ chan₂ guë'₂
 i₂lín₅₄ dsia₂₃ a₂dse₃ dsí₅ 'iin₂₃ Cristo. 16-17 I₂le₂'éi₂
 nē₃ jmo₂₃ ia₁ a₂'nio₃, ia₁ ñi₅ rë₂'eng₅₄ ja₁lá₃ 'uig₅₄
 ia₁ a₂long₅₄ jág₁ dse₃. Dsa₂ i₂le₂ne₁ nē₃, dsia₂₃ 'iin₂₃
 Cristo cha₂ a₂'in₅ dsí₅ a₂ñia'₅₄ con'₂ 'ín₂ dsí₅ le₃chain₂
 dse₃ guioin₅₄ bá₄, on₃jua'₅₄ rë'₂ a₂të₃dsón'₂ lë₅ dsí₅;

a₂'nio₃ jmóg'₂ jniá₂ cuë₃ o₂me'₅₄ dsi₅ të₁lia'₂ 'eng₅₄
rë₂jníg₅. ¹⁸ La₁ tsá₃ cha₂ 'e₂ a₂jaun₂. Jnia'₅₄ lia'₂
jui'₁ë₅₄ dsa₂ jág₁ quió'₅ Cristo, ca₂le₃jě₃ ne₅₄ 'a₂ lia'₂
jmo₃ dsa₂, jua'₅₄ a₂dse₃ dsi₅ o₃ a₂tsá₃ dse₃ dsi₅ 'e₂.
Tion₅₄ bá₄ jéin₅ jniá₂ 'io'₂.

'A₂ con'₂ dsón'₂ jmo₅₄ jniá₂ 'io'₂, ¹⁹ ia₁ guion₄ bá₄
jniá₂ jaun₂, quian'₅₄ ca₂le₃jě₃ a₂ně₅, o₃'ing₅ a₂líong₂
con'₂ dse₃, të₂le₃ ia₁ a₂mi'₂ 'nia'₂ ne₄ Diú₄ o₄quió₃,
të₂le₃ quian'₅₄ bí₂ a₂cuë₅ jme₂'o₅₄ Jme₂dsi₂ quián₅
Jesucristo ně₃. ²⁰ Ia₁ chi₁jan₁ jniá₂ 'ín₂ dsi₃ a₂tsá₃
të₃tsing'₅₄ o₂guí'₃ quian'₅₄ 'i₁caun₂, jaun₂ të₂le₃ lě₅
guě₄ 'ag₃ caun₂ dsi₃, ia₁jaun₂ le₃jniá₂ a₂jlán'₁ Cristo
jui₅ ni₁ñi₃ jniá₂, o₁jñia'₅₄ la₂ chang₂, o₃ jóng₂ 'e₂.
²¹ Ia₁ të₂le₃ quió₃ jniá₂, o₄quió'₄ Cristo bá₄ chang₂,
ján₃ bá₄ a₂ca₂lág₃ co₂'nió'₄ a₂të₁dsi₅₄ ně₁ca₂jong₃.
²² Ia₁ ně₁jua'₂ caun₂ chang₂ 'ñi₁ó'₃ ni₁ñi₅ la₂, caun₂
lé₂ le₃jmo₅₄ bá₄ ta₁ a₂dse₃ o₄quió'₄ Te₁gui'₅₄. Jaun₂
lě₃ tsá₃ guion₄ jniá₂ 'e₂ quió'₅₄. ²³ 'Ñio₅ juí'₅ líng₂
na₅ bá₄ jaun₂ a₂quio'₄ jniá₂ jë₁le₃tin₃ le₂ně₅: të₂le₃
ca₂ton₂, 'nio₃ jua'₅₄ jóng₂ nég'₄ i₁gua₃ quian'₅₄ Cristo,
a₂ně₅ bá₄ ja₂lín₃ guě₄ dse₃ të₂le₃ quió₃ jniá₂; ²⁴ la₁
të₂le₃ ca₂ton₂ guě'₂ ně₃, 'ñio₅ guě₄ dse₅₄ ta₁ ja₁con'₂
'nia'₂, 'nió'₅ le₃chang₂ 'ñi₁ó'₃ ni₁ñi₅ la₂. ²⁵ Jaun₂
caun₂ bá₄ 'ei₅ dsi₃ líng₂ le₂ně₅, jaun₂ jan₅₄ bá₄ guě₄
jniá₂ quian'₅₄ 'nia'₂, ia₁jaun₂ lé₂ le₃jme₁'on₁ jniá₂
'nia'₂ a₂náu'₁ tiá₂ a₂o₁nóg'₅ ne₄ jui₅ a₂jmó'₂ 'nia'₂
'io'₂ guě₄ a₂'éng'₂, ²⁶ ia₁jaun₂ dsi₃tsón₃ a₂jmó'₂ 'nia'₂
'io'₂ le₃quió'₅ Cristo Jesús o₄quió₃ jniá₂, 'uig₅₄ ia₁
a₂quian'₄ jniá₂ 'nia'₂.

²⁷ Jnia'₅₄ lia'₂ cán₂ 'nia'₂ caun₂ jui₅ con'₂ dsi₂ten₅₄
lia'₂ con'₂ lě₅ jág₁ dse₃ quió'₅ Cristo. Le₂ně₅ jaun₂,

o₁jñia'⁵⁴ la₂ ca₂dsióg₃ jniá'₂ i₁jag₁₂, o₃ tsá'₃ ca₂dsióg₃,
o₃ chi₂jua'₂ tē₂le₃ ca₂ñó'₃ guě'₄ úng₂ 'e₂, la₁ 'nio₃
jniá'₂ dsi₁lé'₂ jág₁ le₃guion'⁵⁴ a₂chan'₂ 'nia'₂ tíong'₂ tiá'₂,
'ei₅ caun₂ jág₁ le₃quíó'₅ jme₂dsí'₂, jme₂'ñió'₄ 'nia'₂
ca₂le₃jíng'₃ co₂dsia₅ o₄quíó'₄ jág₁ dse₃ a₂'éin₂ jniog₄.
²⁸ Tsá'₃ lē₁can₂ 'nia'₂ juě'₅ 'e₂ qui₂quiong₅ ju₁lia'₂
dsa₂ i₂'iog₅₄ 'nia'₂. Ia₁ a₂nē₅ jau'₂ 'í₁ rē₂ a₂lén₄ dsa₂
'éi₂ a₂tioin'⁵⁴ ju₁5 ja₁dsi₃'éin₂; la₁ le₂jaun₂ guě'₂ ján₃
jau'₂ léi₄ rē₂ táng₃ a₂tion'⁵⁴ 'nia'₂ ju₁5 ja₁tíng'₄; a₂nē₅
bá₄ a₂já₅ quíó'₅ Diú₄. ²⁹ Ia₁ 'uig₅₄ quíó'₄ Cristo
ca₂ñi'₂ 'nia'₂, on₃jua'⁵⁴ jmá'₃ le₃'én'₂ 'nia'₂ le₃quíó'₅,
ján₃ guě'₂ le₂jaun₂ ñag'⁵⁴ uig₅ o₄quíó'₄, ³⁰ ia₁ co₂rē₂
bá₄ 'nei₂ dsi₂ñí'₂ 'nia'₂ ju₁lia'₂ ma₂tē₂ ne'⁵⁴ 'nia'₂
a₂dsi₂ñí'₂ jniá'₂, con'₂ siá'₂ táng₃ rē₂ně₃ rē₂ñi'⁵⁴ 'nia'₂
lia'₂ ma₂dsi₂ñig₂ jaun₂ bá₄.

2

*A₂ lia'₂ ca₂jmo₃ Cristo sioin₅, 'a₂ lia'₂ ca₂rē₃juin'₂
táng₃*

¹ Jaun₂ le₂nē₅, chi₂jua'₂ qui₂gue'₂ 'nia'₂ lián'₂
le₃quíó'₅ Cristo, chi₂jua'₂ 'a₂ lia'₂ 'nio₃ 'éi₂ 'nia'₂
qui₂'ag₂₃ bá₄ dse₃ 'au'₂, chi₂jua'₂ 'ei₅ caun₂ jág₁
quian'⁵⁴ Jme₂dsí'₂ quiáin₅, chi₂jua'₂ cha₂ a₂'ua₁ ñéi₂
'au'₂ 'nia'₂ ríng'₂: ² jme₁'ñia₅ 'nia'₂ o₂'ñió₃ dsi₃ jniá'₂,
a₂tión'₂ 'nia'₂ 'ei₅ caun₂ jág₁, quian'⁵⁴ 'nia'₂ ríng'₂
'nió'₃ 'nia'₂, tē₂le₃ quian'⁵⁴ jan₂ Jme₂dsí'₂, ca₂ne₅₄ bá₄
ta₁ tión'₂ 'nia'₂. ³ 'I₁caun₂ tsá'₃ lē₁jmo₂ 'nia'₂ jua'⁵⁴
a₂jñia'⁵⁴ dse₃ ja₁con'₂ 'nia'₂ guiong'⁵⁴ on₃ guě'₂ jmo₂
'nia'₂ róng'₂. Jmo₄ bá₄ 'nia'₂ meg'₂, jmo₄ 'nia'₂ 'au'₂
ja₂lin₃ guě'₄ dsen₃ rín'₂ 'nia'₂ con'₂ guě'₄ guion'⁵⁴ 'nia'₂.
⁴ 'I₁jan'₂ 'nia'₂ tsá'₃ ca₂ne₅₄ 'no'₂ jua'⁵⁴ a₂jñia'⁵⁴ con'₂

dse₃ ja₁con'₂ 'nia'₂ guiong'₅₄, 'nio'₂ bá₄ 'nia'₂ a₂dse₃
quió'₅ ja₁con₂ i₂sián'₂ ján₃.

⁵ Jui₁le₅₄ bá₄ 'au'₂ 'nia'₂ jui₁lia'₂ ca₂lë₃ dsí₅ Cristo
Jesús:

⁶ Ia₁ o₁jñia'₅₄ la₂ lín₅ 'éi₂ nió'₄ quió'₅ Diú₄,
on₃jua'₅₄ jaun₂ ca₂jmo₃ dsí₅ a₂ca₂tíin₂ tion₅₄
a₂lén₂ co₂ríin₂ quain'₅₄ Diú₄,

⁷ tē₂le₃ ca₂jmo₃ bá₄ 'éi₂ cau₅ a₂jme₁tíin₂ ně₃,
ně₂jag₄ bá₄ a₂tsá₃ 'e₂ quein₅,
ca₂can₃ jui₅ ca₂já₃ a₂lín₅ dsa₂ i₂jme₂tí₃,
jme₁ca₂rē₃cháin₃ a₂lín₅ dsa₂ mi₂güí₃.

⁸ Jme₁ma₂ca₂rē₃jniái₂ a₂lín₅ dsa₂ ně₃,
ca₂jmo₃ mei'₂.

Jaun₂ gué₄ ca₂lín₃ jan₂ i₂ca₂rē₃ne'₅₄,
ca₂jme₃tí₃ ně₃,

ca₂le₃jě₃ ca₂guein₃ 'mú₃,
ca₂lia'₂ jñia'₅₄ lia'₂ ca₂dsió₃ 'mú₃ tē₃toin₅₄ cróg₄.

⁹ 'Uig₅₄ jaun₂, Diú₄ ně₃, ja₂lín₃ gué₄ ñei₅
ca₂jme₃juag'₂,

ján₃ guē'₂ ca₂dsiog₃ a₂lín₅ ta₁ juē'₂ a₂goin₂

a₂quein₅ gué₄ 'ñio₅ lín₃ con'₂ gué₄ ca₂le₃jín₃,

¹⁰ ia₁jaun₂ tē₂le₃ ne₄ 'éi'₃ a₂gon₂ Jesús,

jui₁chi₂jné₃ ca₂le₃jín₃ i₂tion'₅₄ guei'₅₄ i₂juí₃,

quian'₅₄ i₂tion'₅₄ gua'₅₄ 'uē₃,

quian'₅₄ i₂tion'₅₄ le₃né'₃ 'uē₃ ně₃;

¹¹ ia₁jaun₂ tion₃ ca₂le₃jě₃ le₁tsi'₂ dsa₂

a₂dsón'₂ bá₄ lín₅ Jesucristo Te₁gui'₅₄,

jaun₂ le₂nē₅ le₃juin'₂ Diú₄ Jmei₂.

*Lín₅ dsa₂ quián₅ Cristo ně₂jag₄ bá₄ si₂ tē₂le₃ ja₁con₂
dsa₂ mi₂güí₃*

12 'Uig⁵⁴ jaun₂ ně₃, 'nia'₂ rin'⁵⁴ jniog₄, ju₁lia'₂ ma₂ja₂nóg'₅ ma₂rě₂ten'⁵⁴ tián₂ 'nia'₂ lia'₂ con'₂ jme₁'eng⁵⁴ quian'⁵⁴ 'nia'₂, tē₂le₃ 'ŋio₅ lin₃ guē₄ ca₂tín'₂ 'nia'₂ nág'₁ gau₂ rě₂ně₃, tē₁lia'₂ 'eng⁵⁴ uíng₂. Jme₁le⁵⁴ bá₄ 'nia'₂ guiong'⁵⁴ ju₁lia'₂ ta₁ a₂ma₂lóng'₂, jmo₂ 'nia'₂ meg'₂ 'ei₅ gau₂. 13 Ia₁ Diú₄ bá₄ i₂jmo₅ ta₁ ja₁con'₂ 'nia'₂, a₂qui₂lě₂ 'au'₂ 'nia'₂ a₂dse₃, a₂qui₂lě₂ ta₁ ján₃, lia'₂ con'₂ lě₅ a₂'ŋio₂ dsí₅.

14 Jmo₄ ca₂le₃jě₃, la₁ tsá₃ jmo₂ jua'⁵⁴ tsá₃ dsáu₅ 'au'₂ 'nia'₂ ríng'₂ a₂chi₂'ín'₄ 'nia'₂, on₃ guē'₂ jmo₂ 'nia'₂ mī'⁵⁴, 15 ia₁jaun₂ bá₄ 'i₁jan₂ tsá₃ 'ein₂ le₃bóg'₂ dso₄ on₃ guē'₂ jua'⁵⁴ cha₂ a₂rě₂cán'₄ 'nia'₂, jmo₄ 'nia'₂ a₂lín'₅ chi'₂guein₂ quián₅ Diú₄ i₂tsá₃ 'e₂ rě₂cán'₄, i₂tsá₃ 'e₂ rě₂'ŋió₄ jě₄ quió'₄ dsa₂ 'lin'⁵⁴ i₂rě₂gán₃ dsí₅. 'Nia'₂ bá₄ lín'₅ ju₁lia'₂ nei₅, a₂jmo'₂ tág₅ ne₄ quió'₅ caun₂ mi₂güig₃ qui₁né'₃, 16 ja₁o₂can'₄ 'nia'₂ jág₁ dse₃ a₂le₃chan₂ dsa₂. Le₂ně₅, jě₁ma₂tě₂ rě₂guan'₂ Cristo, lé₂ le₃jmo⁵⁴ jniá₂ dsí₃ ně₂ja₄ a₂rě₃tan⁵⁴ jniá₂ o₄quián'₂ 'nia'₂, jě₁ma₂cha₂ caun₂ léi₄ a₂tsá₃ jua'⁵⁴ a₂lě₁ca₂ŋi₃ co₂chi'⁵⁴, on₃ guē'₂ jua'⁵⁴ ca₂jmo₃ ta₁ a₂tsá₃ 'e₂ ta₁ tí₄. 17 La₁ ju₁'a₂ guē₃ la₂ ca₂quíng₂ a₂lég₂ rě₂jeng'⁵⁴ ne₄ Diú₄, o₄quió'₄ a₂'én'₂ 'nia'₂, 'ŋio₅ lin₃ 'io'₂ jéin₅ jniá₂, quian'⁵⁴ bá₄ jniog₄ rin'⁵⁴ a₂j mó₁ 'io'₂ ca₂le₃jág₃. 18 Jmo₄ 'nia'₂ 'io'₂ ján₃, jme₁quiong'⁵⁴ bá₄ 'nia'₂ jniá₂ a₂jéin'₅ jniá₂ 'io'₂.

Timoteo quian'⁵⁴ Epafrodito

19 Ně₁jua'₂ 'nio₃ Te₁gui'⁵⁴ Jesús, 'ín₂ dsí₃ jniá₂ tsing⁵⁴ ŋi'⁵⁴ ta₁ Timoteo dsí₃jín⁵⁴ 'nia'₂, ia₁jaun₂ 'ŋio₅ lin₃ guē₄ 'io'₂ jmo⁵⁴ jě₁ma₂ca₂rě₃guion⁵⁴ jniá₂ 'a₂ lia'₂ chan'₂ 'nia'₂. 20 Ia₁ 'i₁jan₂ i₂sián'₂ tsá₃ chan₂ i₂lě₅

dsi₂jio₅ dsí₅ co₂rē₂ jui₁lia'₂ dsi₂jio₅ dsi₃ jniá'₂, jua'₅₄
 i₂'i₅ dsí₅ tē₃dsón'₂ a₂dse₃ tē₂le₃ ja₁con'₂ 'nia'₂; ²¹ ia₁
 ca₂le₃jín'₃ bá₄ dsa₂ 'no'₂ a₂dse₃ quió'₅ guioin'₅₄, tsá₃
 dsan₂ dsí₅ a₂'ín₅ dsí₅ ja₁con₂ Cristo Jesús. ²² La₁
 ca₂le₃jín'₃ bá₄ 'nia'₂ ma₂ŋi'₅₄ 'a₂ lia'₂ ma₂ca₂jme₃jnia₅
 Timoteo a₂tiin₂ a₂ŋi₅ a₂ma₂ja₂náu₅ jnia'₅₄ quiain'₅₄
 a₂jme₂tí₁ a₂qui₂'ě₅ jág₁ dse₃, ma₂já₅ jme₂tí₃ co₂lě₅
 ne₄ Te₁gui'₅₄ jui₁lia'₂ jan₂ chi'₂ i₂jme₂'on₅₄ jmei₂.
²³ Le₂ně₅ 'ín₂ dsi₃ caun₂ jmig₄ a₂tsiin₅₄ dsi₁jün₁₂ 'nia'₂
 jě₁ma₂ca₂rě₃guion₅₄ 'a₂ lia'₂ lě₅ tē₂le₃ quió₃ ja₁lá₃.
²⁴ La₁ia₁ caun₂ bá₄ 'ei₅ dsi₃ ja₁con₂ Te₁gui'₅₄, 'nio₃ bá₄
 jniá'₂ dsió₄ ŋi'₅₄ ta₁ i₁jing₁₂ 'nia'₂.

²⁵ La₁ tion₅₄ 'nió'₅ ján₃, lín₂ jniá'₂, dsiang'₅₄
 Epafrodito, i₂lín₅ i₂quiang'₅₄ jmo₂₃ ta₁ quen'₂ jnia'₅₄
 bí₂ co₂dsia₅ quiain'₅₄, i₂ca₂chen'₂ 'nia'₂ guiong'₅₄
 o₃can₅ a₂'nió'₅ quió₃. ²⁶ 'Éi₂ ně₃ 'ŋio₅ lín₃ 'ín₅ dsí₅
 jün₂ ca₂le₃jín'₃ 'nia'₂, 'ŋio₅ 'i₅ dsí₅ ia₁ ca₂rě₃ŋi'₅₄
 bá₄ 'nia'₂ a₂ca₂rě₃dso'₅₄ 'éi₂. ²⁷ Dsón'₂ bá₄ jaun₂
 ca₂rě₃dso'₅₄, jŋia'₅₄ mei'₂ tsá₃ ca₂join₃; la₁ ca₂dsia₃
 bá₄ Diú₄ ŋéi₂ dsí₅ quió'₅, on₃jua'₅₄ rě'₂ jmá'₃ ja₁con₂
 'éi₂, ia₁ ca₂dsia₃ bá₄ ŋéi₂ dsí₅ jniá'₂ ně₃, ia₁jaun₂ tsá₃
 ŋí₄ lě₃ 'lia'₂ dsi₃ tsá₃ len₅ 'a₂ con'₂ ma₂chang₂ quian₅₄
 o₂i₁ dsí₅. ²⁸ Uig₅₄ jaun₂ ně₃ 'ŋio₅ guě₄ lě₂ dsi₃ dsiain'₅₄,
 ia₁jaun₂ jmó'₂ 'nia'₂ 'io'₂ jün'₅₄ táng₃, ia₁jaun₂ tsá₃
 ŋí₄ lě₃ chang₂ 'i₅ dsi₃. ²⁹ Guein₅₄ 'nia'₂ ca₂lia'₂ a₂'ŋio₂
 'au'₂ guě₄ lín₃, a₂lín₅ 'éi₂ jan₂ rín'₂ 'nia'₂ tē₂le₃ ja₁con₂
 Te₁gui'₅₄, jme₁gon₃ bá₄ 'nia'₂ jui₁lia'₂ i₂lín₅ lia'₂ lín₅
 'éi₂; ³⁰ ia₁ ca₂jui₄ bá₄ mei'₂ tsá₃ ca₂join₃ 'uig₅₄ ia₁
 a₂jme₂tí₃ ta₁ ne₄ Cristo. Ca₂can₃ caun₂ jui₅ go'₂ ja₁lé₂
 le₃quin₃ jme₂dsí₂ quió'₅ a₂jme₃'ŋiai₂₃ jme₃'o₅₄ a₂tsá₃

lé₂ le₃jme₁'o'₁ 'nia'₂.

3

Jui₅ a₂tě₃dsón'₂ dsau₅

¹ Ně₃ ně₃, 'nia'₂ rin'₅₄ jniog₄, jmo₄ 'nia'₂ 'io'₂ le₃quió'₅ Te₁gui'₅₄. Tě₂le₃ ja₁con₂ jniá₂, 'i₁ca₂juig₄ o₂me'₅₄ dsi₅ tsá₃ cha₂ jua'₅₄ a₂juá'₄ táng₃ jniá₂ a₂ma₂juá'₃ ne₄ si₂, ia₁ con'₂ lě₅ co₂jñia₅₄ tě₂le₃ ja₁con'₂ 'nia'₂.

² Jmo₄ 'nia'₂ 'í₁ quian'₅₄ dsa₂ i₂chan₂ jmo₅ lín₅ lia'₂ lín₅ dsi₂jí'₅₄, i₂jmo₅ a₂'lig'₅₄, dsa₂ i₂qui₂ti₅ ni₁ñí₁₂; ³ ia₁ jniog₄ bá₄ i₂tě₃dsón'₂ lág₅ dsa₂ co₂'nió'₄ i₂ma₂qui₂rě₂uing₄ lo₄, jniog₄ con'₂ i₂jme₂juín'₁ Diú₄ a₂gu₂dsí₂. Jaun₂ o₂'ñi₃ o₂jñia₃ dsi₅ jniog₄ ia₁ lág₅ i₂quián₅ Cristo Jesús, tsá₃ jaun₂ 'ín₂ dsi₅ jniog₄ ju₁lia'₂ a₂jmo₅ dsa₂ co'₅₄ ni₁ñí₅, ⁴ o₁jñia'₅₄ jniá₂ rě'₂ ján₃ jme₁ca₂tíng₂ jme₁jmo₁₂ 'ín₂ dsi₃ a₂ně₅.

Chi₂jua'₂ 'ein₂ lín₂ cha₂ 'uig₅₄ a₂'ín₂ dsi₅ ni₁ñí₅, tě₂le₃ lě₅ guě₄ tson₂ bí₂ chan₂ jniá₂ 'uig₅₄ a₂jaun₂: ⁵ jme₁ca₂dsin₃ jñia₃ jmig₄ lia'₂ con'₂ jme₁ca₂rě₃cháng₃ bá₄ ca₂ti₃ dsa₂ lo₃; ia₁ líng₅ dsa₂ tsi₁jon₂ israelitas, téng₅ le₃quió'₅ co₂nió'₃ dsa₂ quián₅ tsi₁jon₂ Benjamín; líng₅ hebreo ia₁ ja₁jaun₂ chang₂ líng₅ chi'₂ quián₅ dsa₂ hebreos. Fariseo bá₄ jme₁líng₄ lia'₂ con'₂ lě₅ jme₁ñí'₂ dsi₃ Si₂ 'Éi'₃; ⁶ ju₁lia'₂ a₂dsen₅₄ dsi₃ guě'₂, ca₂lia'₂ qui₂ca₂co₃'én₃ jniá₂ dsa₂ quián₅ guá'₅; ton'₂ lia'₂ con'₂ lě₅ jme₁chang₂ quian₅₄ jui₅ dse₃ lia'₂ con'₂ lě₅ 'Éi'₃ Juá'₅, 'i₁jan₂ tsá₃ 'ein₂ lé₂ le₃jme₁bóg'₂ dso₄.

7 La₁ ca₂le₃jě₃ a₂ně₅ le₃jua'₅₄ jág₁ a₂tě₁dsi'₅₄ le₃quió₃ jniá₂, a₂jaun₂ jmo₅ jniá₂ dsi₃ a₂ma_{2i}3'én₂ le₃quió'₅ Cristo. 8 Dsón'₂ bá₄ jaun₂, tē₂le₃ lě₅ guē₄ jmo₅ jniá₂ dsi₃ ně₂jag₄ bá₄ a₂ma_{2i}2'én₂ ca₂le₃jě₃, ia₁ tsá₃ quin₅ 'a₂ con'₂ quen₅ a₂ma₂ca₂rě₃cuíng₅ Cristo Jesús Te₁gui'₅₄ quiáng₃. 'Uig₅₄ quió'₄ Cristo bá₄ ma_{2i}2'én₂ jě₂ a₂jaun₂ quió₃. Jmo₅ jniá₂ dsi₃ ně₂jag₄ bá₄ jme₁qui₅ a₂jaun₂, ia₁ 'nio₃ jniá₂ léi₂ ja₁con₂ Cristo; 9 'nio₃ jniá₂ dsió₄ ja₁con₂ 'éi₂, on₃jua'₅₄ a₂chang₂ quian₅₄ jui₅ co₂dsau₅ a₂ting₂ 'ñi₃ lia'₂ con'₂ lě₅ 'Ei'₃ Juá'₅, tē₂le₃ ia₁ a₂quian₄ jniá₂ jui₅ co₂dsau₅ a₂cuē₅ Diú₄ cuē'₅ i₂'én₂ le₃quió'₅ Cristo. Co₂'nió'₄ le₃jua'₅₄, a₂chan₂ dsa₂ quian₅ caun₂ jui₅ co₂dsau₅ a₂já₅ le₃quió'₅ Diú₄ 'uig₅₄ cho'₅₄ tē₂le₃ ia₁ a₂'én₂ bá₄ dsa₂. 10 A₂'nio₃ jniá₂ le₃cuíng₅ Cristo bá₄, 'nio₃ jniá₂ can₅₄ jui₅bí₂ a₂ca₂jein'₅₄; ján₃ guē'₂ can₅₄ jui₅ jmi₁uig₅ a₂ca₂can₃ 'éi₂, ján₃ guē'₂ a₂dsi₃ó₄ jniá₂ léng₂ jui₁lia'₂ jme₁lín₄ 'éi₂ lia'₂ con'₂ jme₁ca₂join₃, 11 ia₁jaun₂ caun₂ bá₄ 'ei₅ dsi₃ dsió₄ jniá₂, chi₂jua'₂ lé₂, a₂jeng'₅₄ jin₄ 'lag₄.

Jui₅ ja₁ca₂tág₂ i₁no₁ ja₁lě₄ léi₄ dsi₁no₃

12 On₃jua'₅₄ guē'₂ a₂ma₂ca₂dsi₃ó₃ jniá₂, on₃ guē'₂ ma₂ca₂rě₃'ñia₅ quió₃. La₁ caun₂ nei₅₄ bá₄ ne₄ jui₅ jme₁'ñi₃ó'₄ a₂'ín₂ dsi₃, ju₁lia'₂ ca₂jme₃'ñi₃ó'₃ Cristo jniá₂. 13 Rin'₅₄ jniog₄, tsá₃ jmo₅ jniá₂ dsi₃ jua'₅₄ a₂ma₂ca₂jme₁'ñi₃ó'₄ jniá₂ a₂jaun₂. La₁ia₁ caun₂ la₂ bá₄ jmo₅ jniá₂: a₂qui₂dsi₃'én₂ dsi₃ a₂qui₂ma₂ñi₂, a₂quín'₄ bí₂ a₂tió₄ nei₅₄ le₃ne₄ jui₅, 14 a₂dsi₃ó₄ jniá₂ ja₁lě₄ léi₄ ja₁ca₂tíng₂ dsi₃ó₄, ja₁i₁gue₃ jniá₂ premio a₂tě₂ Diú₄ cuē₃ guei'₅₄ i₂juí₃ a₂cuē'₃ dsa₂ i₂tion'₅₄ le₃quió'₅ Cristo Jesús. 15 Ca₂le₃jág₃ bá₄ jniog₄ i₂ma₂le₁'ñia₅ quián₂, ca₂tág₂ dsi₃jñia₅ dsi₅ le₂jaun₂.

Në₁jua'₂ cha₂ ja₁lín₅₄ a₂ŋí'₂ 'au'₂ 'nia'₂ le₂siá'₂, Diú₄ bá₄ jmo₃ jnio₂ ne'₅₄ 'nia'₂ a₂jaun₂ ján₃. ¹⁶ Jñia'₅₄ lia'₂ ca₂tág₂ jniog₄ a₂i₁nio₁ lia'₂ ma₂ja₂náu₅.

¹⁷ Rin'₅₄ jniog₄, quian'₂ 'nia'₂ jui₅ co₂lě₅ con'₂ lě₅ jui₅ ma₂guio₃ jniá₂, jag₄ 'nia'₂ rě₂ ján₃ ja₁con₂ ca₂le₃jín₃ i₂ma₂chan₂ lia'₂ con'₂ lě₅ ma₂ca₂jme₁tín₅ jnia'₅₄ 'nia'₂. ¹⁸ Ia₁ jui₁lia'₂ ma₂ca₂juí₂ jniá₂ 'nia'₂ 'líong₂ ráun₂, con'₂ siá'₂ juá'₅ bá₄ guě₄ cón'₂ táng₃ ca₂le₃jě₃ dsá₂ jmíg₂ jme₁ne₃, ia₁ juin₅ i₂chan₂ co₂'nió'₄ i₂'io'₅₄ a₂ca₂jmo₃ Cristo ne₄ cróg₄. ¹⁹ Jě₁ca₂tó'₂ dsi₁lein₃ ja₁dsi₃'éin₂. Ia₁ i₂co₂'nió'₄ i₂lín₅ diú₄ quiáin₅ co₂'nió'₄ a₂lag₃ nē₁rě₂can'₂ tú'₅ bá₄, 'ŋio₅ róin₂ jmo₂₃ a₂'nió'₄ jme₁cán₂ o₂guí'₃. Jmá'₃ lia'₂ quió'₅ a₂cha₂ ne₄ gua'₅₄ 'uě₃ la₂ bá₄ dsi₂jio₅ dsi₅. ²⁰ La₁ jniog₄ ně₃ lág₅ dsa₂ i₂tén₅ guei'₅₄ i₂juí₃, jñia'₅₄ lia'₂ a₂jaun₂ bá₄ le₁jñia₁ jniog₄ dsen₅₄ dsi₅ a₂jñió'₂ ja₁jaun₂ jan₂ i₂lió₂, i₂lín₅ Te₁gui'₅₄ Jesucristo. ²¹ 'É₂ bá₄ jme₃tsín₃ ni₁ŋi₁ jniog₄ a₂dsi₃'én₂ la₂, ia₁jaun₂ lé₂ lia'₂ jlá'₁ ni₁ŋi₁₂ 'ŋiog₅. Jmo₃ bá₄ a₂jaun₂ tē₂le₃ quian'₅₄ bí₂ a₂'io₂₃ a₂tín₂ dsia₃ o₄gú₃ 'ŋiog₅ ca₂le₃jě₃.

4

Jmo₄ 'nia'₂ 'io'₂ co₂tan₅₄ le₃quió'₅ Te₁gui'₅₄

¹ Jaun₂ lě₃, rin'₅₄ jniog₄, 'nia'₂ i₂'nióg₃ guě₄ lín₃, i₂ŋí₄ lě₃ 'ín₅ dsi₃ jñg₅₄; 'nia'₂ bá₄ líng'₅ a₂ŋí₄ dse₃ 'ei₅ dsi₃, 'nia'₂ bá₄ líng'₅ co₂'nió'₄ premio quió₃, ju₁chan'₂ bá₄ 'nia'₂ le₂ně₅ jaun₂ ně₃, tión'₂ 'nia'₂ tiá₂ le₃quió'₅ Te₁gui'₅₄.

² Chi₂len'₄ jniá₂ Evodia quian'₅₄ Síntique ján₃, jmo₄ 'nia'₂ caun₂ jág₁ jñ₄ ríng'₂ o₄quió'₄ Te₁gui'₅₄.

³ Quian' ₅₄ 'ne₂, rɪn' ₅₄ jniog₄ i₂co₂dsia₅ jmo₂ ta₁, juíg₂ jniá₂ 'ne₂ a₂jme₁'ong' ₁ dsa₂ mí₂ rɪn' ₅₄ jniog₄ nē₅, ia₁ 'éi₂ ca₂quín' ₃ bí₂ i₂quian' ₄ jniá₂ jme₁ca₂'ě₃ jág₁ dse₃ a₂lión₂ dsa₂, quian' ₅₄ Clemente nē₃ quian' ₅₄ guě₄ rɪn' ₅₄ sián' ₂ ca₂jmo₃ ta₁ quian' ₅₄ jniá₂. Ma₂le₁ton₅ lia' ₂ chein₂ ne₄ si₂ a₂le₃chain₂ co₂tan₅₄.

⁴ 'Io' ₂ jmo₄ 'nia' ₂ co₂tan₅₄ le₃quió' ₅ Te₁gui' ₅₄. Cón' ₂ siá' ₂ juá' ₅ táng₃, i'io' ₂ jmo₄ 'nia' ₂! ⁵ Ju₁le₂jniá₂ a₂'ua₁ 'au' ₂ 'nia' ₂ jē₄ quió' ₅ le₃jín₃ dsa₂, ia₁ ma₂ja₂quían₃ guan' ₂ Te₁gui' ₅₄.

⁶ Tsá₃ jmo' ₂ 'nia' ₂ 'i₅ 'au' ₂ 'i₁caun₂. La₁ chi₂jua' ₂ 'e₂ lē₅, chilēn' ₄ 'nia' ₂ Diú₄; mi₄ 'nia' ₂ ne₄ 'éi₂ ton' ₂ ján₃ guě' ₂ cuě' ₅₄ 'nia' ₂ ti₁'mag' ₄ 'éi₂. ⁷ Jaun₂ Diú₄ bá₄ jmo₃ 'í₁ jme₂dsi₂ quían' ₂ 'nia' ₂ quian' ₅₄ a₂qui₂dsi₂jio₅'au' ₂ 'nia' ₂ nē₃, tē₂le₃ quian' ₅₄ Cristo Jesús. Diú₄ bá₄ jmo₃ a₂'ag₃ tei₄ 'au' ₂ 'nia' ₂ ŋag₅₄ guě₄ lín₃ con' ₂ guě₄ a₂lé₂ le₃ŋí' ₂ dsa₂.

Ju₁dsi₂jio₅'au' ₂ jmá' ₃ a₂dse₃

⁸ Jaun₂ lē₃, rɪn' ₅₄ jniog₄, ju₁dsi₂jio₅ 'au' ₂ 'nia' ₂ ju₁'e₂ a₂tí₅ dsón' ₂, ju₁'e₂ a₂ca₂tín₂ jme₃gó' ₃ dsa₂, ju₁'e₂ a₂dsi₂ten₅₄, ju₁'e₂ a₂le₁jě₃, ju₁'e₂ a₂'io' ₂, ju₁'e₂ a₂quen₅ jág₁ dse₃; chi₂jua' ₂ cha₂ a₂jlá' ₁ a₂ca₂tín₂ 'ag₃ dse₃ jág₁, a₂jaun₂ bá₄ ju₁dsi₂jio₅ 'au' ₂ 'nia' ₂. ⁹ Jme₁dsau₅ 'nia' ₂ caun₂ a₂ma₂gue' ₅₄ 'nia' ₂, a₂ma₂ca₂jme₁tag₅ a₂ma₂nei' ₂ 'nia' ₂ ma₂juá' ₃ quian' ₅₄ a₂qui₂ma₂tě₂ ne' ₅₄ ma₂jag' ₅₄ 'a₂ lia' ₂ jmo₅ jniá₂: le₂jaun₂ jmo₄ 'nia' ₂. Jaun₂ Diú₄ nē₃ i₂jmo₅ 'ag₅ tei₄ 'au' ₂ 'nia' ₂, 'ein₅₄ ja₁con' ₂ 'nia' ₂.

Cuě₅ Pa₄ ti₁'mag' ₄ cuě' ₅ dsa₂ Filipenses

¹⁰ 'E₂ guě₄ tē₅ dsí₃ 'io' ₂ jéin₅ guě₄ lín₃ le₃quió' ₅ Te₁gui' ₅₄ 'a₂ lia' ₂ lē₃ a₂ca₂dsáu' ₃ táng₃ 'au' ₂ 'nia' ₂ jniá₂.

Tsá₃ 'nio₃ jniá₂ juá'₄ jua'₅₄ a₂ma₂i₂én₂ 'au'₂ 'nia'₂ jniá₂, tē₂le₃ ia₁ a₂tsá₃ ma₂cuin₃ jmig₄ jme₁'o'₁ bá₄.
 11 On₃jua'₅₄ rē'₂ juá'₅ jniá₂ ia₁ a₂ca₂rē₃'nió'₃ quió₃;
 ia₁ jniá₂ ně₃ ma₂ca₂rē₃tín₃ bá₄ jniá₂ a₂'ei₅ dse₃ dsi₃
 chi₂jua'₂ 'a₂ lia'₂ lě₅ a₂chang₂. 12 Ma₂guion₄ bá₄
 jniá₂ 'a₂ lia'₂ lě₅ jme₁rē₂chang₂ te₂ņég₂, ján₃ guē'₂
 guion₄ jniá₂ 'a₂ lia'₂ lě₅ a₂qui₂rē₂tsón₂ quió₃. Jaun₂
 ma₂ca₂rē₃tín₃ bá₄ a₂chéng'₅ tiá₂ jui₁lě₄ bá₄ 'a₂ lia'₂
 lě₅ chang₂. Cha₂ jme₁lin₅₄ qui₂rē₂tang₅₄ dse₃ lin₃, o₃
 'ong₅₄ 'e₂ jme₁lin₅₄. Cha₂ jme₁lin₅₄ qui₂rē₂tsón₂, o₃
 a₂tsá₃ 'e₂ cha₂ mei'₂ 'e₂. 13 Ca₂le₃jě₃ bá₄ qui'₅₄ jniá₂
 jmig₄ tē₂le₃ quian'₅₄ Cristo i₂cuē₅ bí₂. 14 La₁ia₁, dse₃
 bá₄ jaun₂ ca₂quen'₄ 'nia'₂ o₂l₁ dsi₅ a₂quian₄ jniá₂.

15 Jui₁lia'₂ ma₂ņi'₅₄ 'nia'₂, rin'₅₄ jniog₄ i₂chan₂
 juig₂ Filipos, lia'₂ con'₂ jme₁ca₂jme₁lióg₄ jniá₂
 ca₂'ě₃ jág₁ dse₃ a₂lión₂ dsa₂, jme₁ca₂o₃'ín₃ jniá₂
 'uě₃ Macedonia, 'i₁caun₂ guá'₅ tsá₃ ca₂jme₃quen'₄
 tē₂le₃ quian'₅₄ cu₄; jñia'₅₄ lia'₂ 'nia'₂ bá₄. 16 Ia₁ lia'₂
 con'₂ jme₁'en₅₄ jniá₂ juig₂ Tesalónica, on₃jua'₅₄
 co₂ráun₂ ca₂jme₁'o'₁ 'nia'₂ jniá₂, ca₂chen'₂ 'nia'₂
 cu₄ 'uig₅₄ ia₁ a₂ca₂rē₃'nió'₃ quió₃. 17 On₃jua'₅₄ rē'₂
 a₂dsi₂jio₅ dsi₃ a₂jñia'₅₄ caun₂ le₃cha₂ a₂ca₂tín₂ jniá₂
 a₂qui₁gue₅₄; a₂jaun₂ bá₄ 'nio₃ jniá₂ a₂le₃cha₂ 'uig₅₄
 a₂jme₃'mag'₂ Diú₄ quián'₂ 'nia'₂. 18 La₁ ma₂gue₃
 bá₄ jniá₂ le₃jě₃, tē₂le₃ lě₅ guē₄. Quian'₅₄ a₂ca₂chen'₂
 'nia'₂ tē₂le₃ quian'₅₄ Epafrodito, ma₂rē₂tsón₂ bá₄
 quió₃. A₂ca₂chen'₂ 'nia'₂ jaun₂ quió₃, lě₅ jui₁lia'₂
 lě₅ caun₂ a₂rē₂jen'₅₄ ne₄ Diú₄ a₂ja₂ mi₂juig₂ a₂ņio₂
 dsí₅ Diú₄ guéi'₅. 19 Diú₄ quiáng₃ ně₃, 'éi₂ bá₄ cuē₃
 ca₂le₃jě₃ a₂'nió'₅ quián'₂ 'nia'₂ lia'₂ con'₂ lě₅ a₂ņi₄
 lě₃ jlá'₁ a₂rē₂tsón₂ quió'₅, cuē'₃ 'nia'₂ tē₂le₃ quian'₅₄

Cristo Jesús. ²⁰ jJui₁jme₂juin'₂ bá₄ dsa₂ Diú₄ Jmei₂
jniog₄ ca₂lia'₂ co₂tan₅₄! A₂méi₃.

²¹ Cuin₅₄ 'nia'₂ Diú₄ o₄quió₃, ca₂le₃jín₃ i₂tén_{5a}
le₃quió'₅ Cristo Jesús. Dsa₂ rin'₅₄ * i₂quian'₄ jniá₂ ně₃,
cuin₂₃ Diú₄ 'nia'₂. ²² Cuin₅ 'nia'₂ Diú₄ ca₂le₃jín₃ dsa₂
jnjó₅, la₁ia₁ ja₂lin₃ guě₄ dsen₅₄ cuag₅ Diú₄ dsa₂ i₂tián'₅
dsi₂néi₂ quió'₅ gui'₅₄ rag₅₄ emperador.

²³ Jui₁jme₂gu'₅₄ bá₄ Te₁gui'₅₄ Jesucristo jme₂dsí₂
quián'₂ 'nia'₂. A₂méi₃.†
Co₂ně₅.

* **4:21** lit. “dsa₂ jnjó₅.”
“A₂méi₃.”

† **4:23** A₂lin₅₄ chog₅₄ si₂ tsá₃ chi₁ton₅

Jag₁ 'mí₂ a₂ma₂li'₅₄ quian'₅₄ Diu₄
New Testament in Chinantec, Tepetotutla
(MX:cnt:Chinantec, Tepetotutla)

copyright © 1994 Wycliffe Bible Translators, Inc.

Language: Chinantec, Tepetotutla

Translation by: Wycliffe Bible Translators, Inc.

Chinanteco, Tepetotutla [cnt], Mexico

Copyright Information

© 1994, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Tepetotutla

© 1994, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 21 Feb 2024 from source files
dated 30 Dec 2021

5c52af9e-3086-5d57-9b7e-2e495fea8899